



ATASSUT  
Postboks 399  
3900 Nuuk  
+299323366  
Fax: +299325840  
[Atassut@greenet.gl](mailto:Atassut@greenet.gl)  
[www.atassut.gl](http://www.atassut.gl)

Nuuk 3. juli 2007

Inatsisartut suleriaasianni § 36, immikkoortoq 1 naapertorlugu matumuuna imaattumik Naalakkersuisunut apeqquteqarpugut:

**Apeqquut: Kalaallit Nunaanni Takornariaqarnermi Inuussutissarsiornermilu Siunnersuisoqatigiit ingerlatsineranni susoqartoq-una?**

(ATASSUT-ip Inatsisartuni ilaasortaataitai: Augusta Salling, Ellen Christoffersen, Kristian Jeremiassen, Thomas Kristensen, Godmand Rasmussen)

**Tunngavilersuut:**

Pingaaruteqarluinnarpoq Kalaallit Nunaanni takornariaqarnermik aammalu inuussutissarsiornermik ingerlatsinerup ineriartortinneqarnerisa inuiaqatigiinnut annerpaamik iluaqutissiisumik ingerlanneqarnissaat. Taamaattorli malunnartoqarpoq ingerlatsinerup pitsaanerpaanissaanik sulissutiginninniarnermi ingerlatsivimmi eqqissilluni sulisinnaaneq angujuminaatsinneqartoq, taamaattoqarneralu ATASSUT sinnerlugu Inatsisartuni ilaasortaataitaasugut ernumanartoqartipparput.

Isumarput naapertorlugu pissutsit arlallit maannamut ersersitsipput ingerlatseqatigiiffimmi eqqissi-viillioortoqartoq aammalu ingerlatseqatigiiffiup takornariaqarnermut aammalu inuussutissarsiornermut periuseriniagai pillugit ataatsimoortitsiniaruminaatsitsisoqartoq, ilaatigut eqqissiviillioortoqarneranut takussutissaavoq ingerlatseqatigiiffiup maj 2007-mi nalinginnaasumik ataatsimeersuarnerata kingorna sulisut siulersuisunilu ilaasortat pingaarutilimmik inissisimasut arlallit tunuarsimanerat.

Pisortaanerup Stig Rømer Winther-ip tunuarneranut atatillugu 28. juni 2007-mi nalunaarutigineqarpoq, ”tunuarnermut pissutaasoq ingerlatseqatigiiffiup periusissai pillugit isumaqatigiinngittoqarnera”, nalunaarnerli taanna apeqqutinik amerlanerusunik pilersitsiinnarpoq, tassami nassuiaatigineqanngimmat ingerlatseqatigiiffimmi suut isumaqatigiinngissutaanersut.

Taamatuttaaq ATASSUT-mit ilisimalerparput Kalaallit Nunaanni Takornariaqarnermi Inuussutissarsiornermilu Siunnersuisoqatigiit siulersuisuini ilaasortaq Flemming Nicolaisen ulloq taanna pisortap tunuarnissaanik nalunaaruteqartoqarmat siulersuisuni ilaasortatut tunuartoq, taamaattorli aamma taanna erseqqinnerusumik paasisaqarfiginangilaq, taamaallaat paasinarpoq Flemming Nicolaisen-ip tunuarnerminut pissutaatikkaa pisortaq tunuartaussanngortoq isumaqatigalugu periusissatut siunniussat isumaqataaffigisinnaannginnerarlugit.

Tamakku tunngavigalugit ATASSUT-mit GTE-mi susoqarnersoq pillugu isumaalunnissamat pissutissaqarsorivugut, taamaammallu Naalakkersuisut qinnuigissavagut apeqqutit uku akineqaqqullugit:

- 1) Sorpiaanuku pilersaarutit GTE-mi eqqissiviilliornermik pilersitsisimasut?
- 2) Eqqissisoqarnissaa anguniarlugu Naalakkersuisut qanoq iliuuseqarpat?
- 3) GTE-mi siunissami periusissatut anguniakkat sorpiaat pillugit isumaqatigiinngittoqarpa?
- 4) Isumaqatigiinngissutaasut pillugit Naalakkersuisut qanoq isumaliuteqarpat?

- 5) GTE-p ataatsimeersuarnerani Greenland Venture aamma GTE kiisalu ingerlatseqatigiiffiit attuumassutillit pillugit nalilersuisoqarnissaanik piumasaqarnerminnut atatillugu qanoq angusaqartoqassasoq Naalakkersuisut sumik naatsorsuutiginnippat?
- 6) GTE-mi pisut pillugit Naalakkersuisut allanik ilassutissaqarpat?

Piaartumik akineqarnissarput naatsorsuutigaarput, akissutillu ukununga nassiunneqassasut kissaatigaarput: [aus@gh.gl](mailto:aus@gh.gl) [krje@gh.gl](mailto:krje@gh.gl) [thok@gh.gl](mailto:thok@gh.gl) [gora@gh.gl](mailto:gora@gh.gl) [ekri@gh.gl](mailto:ekri@gh.gl) kiisalu [landstinget@gh.gl](mailto:landstinget@gh.gl)